

Na osnovu člana 2.13. tačka 3. Izbornog zakona BiH ("Službeni glasnik Bosne i Hercegovine" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u vezi s članom 36. Pravilnika o postupku imenovanja i razrješenja biračkih odbora u Bosni i Hercegovini („Službene novine FBiH“, broj: 37/26), Općinska izborna komisija Sapna, raspisuje

JAVNI OGLAS

za izbor kandidata za popunu rezervne liste kvalifikovanih osoba za imenovanje članova i zamjenika članova biračkih odbora u Općinskoj izbornoj komisiji Sapna

I. Objavljuje se Javni oglas za izbor kandidata za popunu rezervne liste kvalifikovanih osoba za imenovanje članova i zamjenika biračkih odbora.

II. Uvjeti za imenovanje:

Opći uvjeti:

1. Prijavljeni kandidat je osoba s pravom glasa.
2. Za člana biračkog odbora ne može biti imenovano lice (član 2.3. Izbornog zakona BiH) :
 1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
 2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
 4. koje je kandidat za izbore za bilo koji nivo vlasti na posljednim općim i posljednim lokalnim izborima;
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uvjeti:

- da ima prebivalište u opštini za koju se imenuje birački odbor, u pravilu da je upisan u izvod iz Centralnog biračkog spiska za biračko mjesto za koje se imenuje,
- da ima najmanje završenu srednju školu, odnosno III, IV ili V stepen stručne spreme,
- da mu nije izrečena sankcija od Centralne izborne komisije BiH.

III. Potrebna dokumentacija:

1. prijava na javni oglas (popunjen obrazac SG-3),

IV. Rok za podnošenje prijava

Rok za podnošenje prijava je dvadeset (20) dana od dana objave javnog oglasa na oglasnoj ploči općine, na internet-stranici općine i sredstvima javnog informisanja (lokalni radio, štampani mediji).

V. Organ za provođenje postupka

Proceduru izbora kandidata po javnom oglasu provodi izborna komisija osnovne izborne jedinice.

VI. Ostale informacije

Obrazac prijave kandidati mogu preuzeti u sjedištu izborne komisije osnovne izborne komisije ili na internet- stranici općine.

Prijavu na javni oglas kandidati dostavljaju u zatvorenoj koverti u sjedištu izborne komisije sa naznakom:

Izborna izborna komisija osnovne izborne jedinice Sapna

Adresa: 206. Viteške brigade b.b.

75411 Sapna

„Prijava na javni oglas za popunu rezervne liste kvalifikovanih osoba za imenovanje članova biračkih odbora/mobilnog tima i njihovi zamjenika- ne otvarati“.

Kandidati će, ako izborna komisija zatraži, dostaviti dokaze o kvalifikaciji i ispunjavanju uvjeta iz javnog oglasa.

Nepotpune i neblagovremene prijave izborna komisija neće uzeti u razmatranje.

Broj:02-04-51a/26
Sapna, 11.05.2026.godine



Predsjednik
Muzijet Kahrmanović

Na osnovu člana 2.2, 2.3 i 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 31. stav (2) Pravilnika o postupku imenovanja predsjednika i članova biračkih odbora, broj: 05-1-02-2- -1/25 od . 8. 2025. godine i člana 173. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), pod punom materijalnom i krivičnom odgovornošću, predložena osoba daje

IZJAVU

Izborna komisija osnovne izborne jedinice koja predlaže osobu s rezervne liste za člana biračkog odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata	
Za biračko mjesto: _____	
Ime i prezime predložene osobe	
Stručna sprema predložene osobe	
Zanimanje predložene osobe	
JMB i broj lične karte predložene osobe	
Tačna adresa stanovanja predložene osobe	
Broj telefona predložene osobe	

Ja, _____, izjavljujem, kao kvalifikovana osoba koja je

(ime i prezime)

predložena za člana biračkog odbora, odnosno mobilnog tima/tima za otvaranje vreća i brojanje glasačkih listića, da nemam smetnji iz člana 2.3 stav (1) Izbornog zakona BiH, da su svi podaci koji su navedeni u ovom obrascu tačni, da sam saglasan da na prijedlog izborne komisije _____ budem član biračkog odbora, odnosno mobilnog tima, odnosno tima za otvaranje vreća i brojanje glasačkih listića na izborima koji će biti održani dana _____, da sam saglasan da prisustvujem obaveznoj obuci i provjeri znanja o načinu glasanja i brojanja glasova koju organizira izborna komisija, a u skladu s Planom i programom edukacije koji donosi Centralna izborna komisija BiH i Pravilnikom o postupku imenovanja i razrješenja predsjednika i članova biračkih odbora u BiH.

Nakon dobijanja sertifikata, obavezujem se da ću kao član biračkog odbora biti prisutan tokom cijelog procesa glasanja, uključujući utvrđivanje rezultata glasanja, odnosno kao član mobilnog tima biti prisutan tokom cijelog procesa glasanja i brojanja, odnosno kao član tima za otvaranje vreća i brojanje glasačkih listića biti prisutan tokom brojanja glasačkih listića i utvrđivanja rezultata glasanja.

Datum: _____

M.P.

Potpis predložene osobe koji odgovara potpisu na identifikacionom dokumentu)

(Potpis predsjednika izborne komisije osnovne izborne jedinice)

**OBRAZAC:
SG-3**